

苦中尋閑閑中沒苦休覓嬰姪莫搜龍虎只要真清要識真趣
絕盡人我絕盡思慮或饑或飽或寒或暑便戴青巾便衣紙布
決要上街覓錢乞去些小絹帛些小綿絮遮藏微體長令淡素
三人同行三人同處常用一心不得二慕只是兄弟並無師父
惟談惟笑共歌共舞落絕清閑任詩任句如在庖厨大家管顧
不可獨勞也無獨措自有金烏自有玉兔認得真閑長生門戶

自在亭頌

自在自在真自在不論高低及內外照見五蘊卽皆空咄了八
方無罣礙維摩笑我因何退我笑維摩尙禮拜教公認得這害
風大家總赴龍華會

道藏輯要

重陽全真集

巽

中胃集一

四果頌

果來海角天涯果應師指希夷果得前生知友果然會我心機

指迷頌

無無有有無端有有無無有有攢無有有無無有相有無無
有有無看

劍頌

這口劍真有力無始劫來人不識今朝撞著害風兒吐出光芒
顛倒織兩道明輝只自知三峯頂上呈紅艷到斯不肯落凡來
樣入晴空端又直

傳神頌

靈昏性昧著凡體 自畫自描自傳起借他俗狀做形軀攢聚火
風并地水陽作骨骸陰作膚眼耳鼻前安箇窟四般迷執各誇
強渾身使用肉山壘我今省悟達玄微卻認初真不用你若還
只恁累我神撲人坑中教見底

來自何方去由何路一腳不移回頭即悟

假合形軀誠是假何勞更恁重描畫諸公莫使達人知惹得一
場大笑話

贈道友

自然消息自然恬不論金丹不論仙一氣養成神愈靜萬金難
買日高眠紅紅火焰二峯秀白白蓮花五葉鮮勘破行功無作

道藏輯要

重陽全真集

辛 中胃集一

用於斯便可認玄玄

四時睡頌

子時睡子時睡玉繩捩下端巖遂一輪明月過天庭照破中宵
暗昧事卯時睡卯時睡緣空直看真嘉致當中一點皎然靈瑩
裏光明精又銳午時睡午時睡香煙正撞於炎位自然馥郁任
拈拏透入晴空傳不二酉時睡酉時睡恬然飲盡西江水便令
澆漑出風流一朵瓊花呈玉蕊

贈友人道頌

若是要隨余去絕盡平生思慮心中物物不著塵事般般休序
饑後麤細皆餐寒來只消紙布當睡莫起憂愁如行休生恐怖